

五邊典則

顧廷龍署



五邊典則

卷五

五邊典則卷之五

信安徐日久子卿父集

勾餘施邦曜爾

閩漳張

燮紹和父

宣大總

洪武六年三月

命徐達爲大將軍李文忠馮勝鄧愈湯和爲副
將軍統諸將校徃山西北平等處備邊

上御奉天殿論之曰創業之初君臣同其艱難
及事平之後豈不欲少與休息然居安慮危

五邊典則
古人所慎故嘗

命卿等徃西防邊已復思邊守既定遠備勞兵
乃

召卿等還今聞胡人窺塞事不可已故再

命卿等徃鎮夷狄豺狼出沒無常但保障清野
使來無所得俟其情歸則率銳擊之必擒群
而獲卿等老將臨機制勝之道熟矣非朕所
能遙度至邊宜先圖上方畧使朕覽之至十
月復

諭李文忠留鎮山西令大將軍等還京

二十八年九月置大同中左右前後五屯衛
時

上以代王之國大同糧餉艱遠復

命立衛屯種以紓轉運之勞是國初立衛之意
專爲足餉而今反以糜餉失之遠矣

永樂十一年十月山西緣邊烟墩成先是從
江陰侯吳高請於緣邊脩築烟墩至是東路
自天城衛至榆林口直抵西朔州衛煖會口

西路自牯牛嶺直抵東勝路至黃河西對岸
灰溝村烟墩皆成高五丈有奇四圍城高一
丈五尺外開濠塹弔橋門道上置水櫃煖月
盛水寒月積冰墩置官軍三十一人守瞭以
繩梯上下皆

上所規畫也

洪熙元年正月

勅大同總兵鄭亨等曰欽天監言天象有警朕
以邊事爲慮盖虜情譎詐或弱而見強或

出或沒或東或西不可測度爲邊將者須深思熟慮晝夜開防今自冬及春其聲跡無聞不可遽謂安靜無事萬一獸奔豕突當思有以禦之宜整棚軍令各城池屯堡收拾堅固各關隘用心守把各烟墩仔細瞭望頃刻不可怠忽慎之慎之重慎之今農務方興又不妨誤屯種

勅遼東甘肅寧夏山海永平宣府開平總兵及備禦鎮守官亦如之

二月復遣

勅諭亨等及宣府總兵譚廣曰太冬以來虜寇
動靜無聞

朝廷所遣使亦久不回未審此寇今在何處盖
虜多譎詐卿等宜思患預防往者天象有警
已

勅隄防今長安嶺守關指揮奏韃賊人馬約五
十餘人直抵隰寧驛劫掠不審是何部落遼
東武進伯朱榮亦奏兀良哈韃靼欲來賣馬

又哈密近遣人進硫黃從前不聞哈密產此物

先帝時亦不曾有進緣此數端皆湏計慮虜中既有硫黃則製造火器不患無人猝遇戰鬪亦湏有備大同宣府一帶空曠虜熟經之路宜整飭軍馬晝夜嚴切隄備令各城池屯堡收拾堅固各關隘口用心把守各煙墩仔細瞭望毋頃刻怠忽古云有備無患其慎之慎之庶副朕委任之重仍

勅寧夏甘肅遼東山海永平開平諸將一體嚴
備

三月又遣

勅諭亨等常年隄防虜寇皆以秋冬及春夏則
懈虜賊譎詐或窺伺無備來襲不可不慮宜
嚴督將士整棚軍馬堅固城池屯堡用心隄
備及督各隘口烟墩十分仔細瞭望把守不
可怠忽

勅各處總兵備禦及鎮守官亦如之

鄭亨奏請促遣高山等四衛官軍詣大同屯
守

賜勅答曰太冬爾奏此事已

勅該府兵部准行但以嚴寒姑待開春調遣卿
等因循不及時催督延至於今方以爲言今
屯者種已入土若督使動移則所種盡棄况
各衛相距大同亦遠縱督之急行到彼亦及
夏中農時既過何以措力徒使軍士彼此失
業審若可緩卽始緩之此蓋卿等忽畧之過

然爾職務軍旅此治文書者之忽畧也今於
文職內簡有才識者一人遣來專理軍機文
書凡有文移與之計議可行卽行有稽緩錯
謬則罪在彼非卿等之過若軍機調遣則卿
等專之彼不得預廢幾各任其責

宣德四年六月虜寇入自西衙山至赤城掠
人口而太開平衛指揮方敏在赤城管屯率
兵追之盡得所掠且獲賊馬而還事聞

上勅敏曰寇之入境皆爾平昔不嚴約束所致

今既追回亦有所獲姑記爾罪自今益宜慎防

諭行在兵部臣曰西衝山守烽墩官軍失於警備致虜劫掠其悉處軍汰仍以此戒飭大同宣府等處守邊將士

九月發蔚州等衛軍士家屬詣大同完聚時大同總兵鄭亨言大同備禦神銳手原係蔚州等衛軍原衛已支月糧大同又月支行糧請令各軍家屬俱詣大同完聚

五
上慮大同糧草且軍士之家移徙不易下行在
兵部戶部議尚書張本等言兩處支糧則官
府費多蔚州等衛皆近大同移徙亦不甚難
若令家屬隨往只支本等月糧而罷其行糧
可以養贍且得省費

上曰軍士太家亦懷內顧若家屬得同處亦於
人情爲便宜如亨議行之

十一月

勅鎮守山西李謙及山西都司日和寧王阿魯

台遣使

朝貢從大同入境今已至京度其人馬必來綠
邊屯駐宜嚴守備亦不許生事啓釁近者韃
寇百五十餘人犯古北口東磚垛子口守關
百戶以銃擊之殺賊五人賊即遁去而探知
開平浩嶺驛無備徑由西衝山口突入射傷
官軍將士失機者已治其罪比聞崖頭等墩
舉火放炮恐即此賊宜親歷綠邊關隘督視
官軍整齊部位晝夜隄備庶幾無患并

五邊典則 卷五
勅各處邊將俱嚴備禦

五年三月宣府總兵譚廣等奏以神銃分布
緣邊城堡備用

勅廣等曰神銃

國家所重各處止可量給以壯軍威至於殺賊
又有弓弩刀槊不止於此然制敵安邊要在
方畧如何苟約束不嚴將士不律兵器雖多
亦奚以爲爾等勉思良策以稱委任

五月增置口北緣邊諸堡先自北邊自懷安

西陽河至永寧四海冶山口四十四處皆可
通人馬每處守備官軍或百人或三五十人
保安衛指揮李璟請益兵立堡以固守備
上命總兵官譚廣等審度凡三十九處宜立堡
每處益兵五十人從之

十月初戶部言山西歲納大同宣府秋糧負
欠者多請令布政司官量徵土物赴邊糴米
輸納至是山西布政司上轉輸事宜六條一
山西歲納大同宣府之糧宜徵民間所產有